



**Prosjačenje** Podignuta optužnica protiv monstruma Abdije Osmanovića iz Živinica

# Robinji čupao nokte, gasio joj cigarete po tijelu i bičevao je

**SARAJEVO - Tužilaštvo BiH podiglo je optužnicu protiv Abdije Osmanovića (47) iz Živinica, kome je na teret stavljeno da je godinama fizički zlostavljao ženu čiji su inicijali A. S. i tjerao je na prosjačenje!**

Kako je navedeno u optužnici, Osmanović je 2013. godine, uz određenu novčanu naknadu, od svog brata preuzeo A. S., koja ima blagu mentalnu retardaciju. Potom ju je tokom te i naredne godine držao u ropском odnosu, ograničivši joj svako kretanje.

- Optuženi je A. S. držao zatvorenu u kući iz koje ju je odvodio na različita mjesta na području Živinica i Bihaća i tjerao je da za njega prosi i donosi mu novac. Osim toga, on je oštećenu višestruko zlostavljao na izuzetno surov način. Ukoliko nije bio zadovoljan iznosom novca koji je isprosila, surovo ju je fizički i psihički



**ŽRTVU TJERAO DA PROSI I DONOSI MU NOVAC** Abdija Osmanović

ki zlostavljao, što je ostavilo trajne fizičke povrede i posljedice po njeno zdravlje - navedeno je u optužnici.

Istragom je utvrđeno da je Osmanović postupao prema A. S. na vrlo surov način, pa ju je tako, ukoliko ne bi isprosila dovoljno novca, bičevao kablovima od struje, čupao joj nokte, te gasio cigarete po njenom tijelu. Osim toga, znao je

prisiljavati da jede so kašikom. Sumnjalo se da ju je Osmanović čak u nekoliko navrata silovao, ali nije poznato da li je istragom to i potvrđeno.

Osmanović je u više navrata držao A. S. u uslovima nedostojnim za ljudsko biće, te je tjerao da spava i jede na podu.

U optužnici je još navedeno da je Osmanović zlostavljao A.

S. na izuzetno težak način, i to je trajalo sve do novembra 2014. godine, kada je spasio jedan policajac koji joj je prišao na ulici.

- Oštećena je nakon toga smještena u sigurnu kuću, gdje joj je pružena adekvatna njega i zdravstvena zaštita. Dakle, Osmanovića terete da je počinio krivično djelo zasnivanje ropского odnosa i prevoz osoba u ropском odnosu - naveli su u Tužilaštvu BiH i istakli da je ovo prva optužnica za to krivično djelo u BiH.

Iz tužilaštva najavljuju da će tokom suđenja Osmanoviću pozvati 17 svjedoka, među kojima šest vještaka, a priložen je i obiman dokazni materijal. Optužnica protiv njega prosljeđena je Sudu BiH na potvrđivanje. Podsjećamo, Osmanovića su 2. aprila ove godine, na području Unsko-sanskog kantona, uhapsili pripadnici SIPA, nakon čega je pritvoren. **Sn. K.**